

P. Dr. Hartmann Theus O. S. B.

Autor(en): **[s.n.]**

Objektyp: **Obituary**

Zeitschrift: **Igl Ischi : organ della Romania (Societat de Students Romontschs)**

Band (Jahr): **34 (1948)**

PDF erstellt am: **05.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

† P. Dr. Hartmann Theus O. S. B.

Students e studiai, che frequetavan avon l' uiara (1939) stediamein las fiastas populares della Romania, han franc e segir empriu d'enconuscher igl amicabel, curteseivel e zun emperneivel pader benedictin dr. Hartmann Theus de Domat, che muncava mai a nossas radunonzas generalas della Romania en cass ch' el sesanflava per enzacontas jamnas en vacanza ella patria.

P. Hartmann Theus de Domat ei staus sia veta in bien affon e patriot de Domat, schebi ch' el ha viviu ed operau varga treis decennis ell' Austria.

Naschius a Domat ils 3 de sett. 1883, ha el fatg il gimnasi en nossa tiara, per allura ir en claustra en Kärnten, nua ch' el ei vegnius ordinaus ils 14 de fen. 1910 a Klagenfurt. Sia Messa nuviala ha el fatg per Nossadunna d' uost 1910 ella claustra benedictina de S. Paul a Lavantal. Cuort sissu eis el vegnius prof. dils lungatgs vegls e moderns ella claustra e gimnasi de Melk, Niederdonau, suenter haver giu fatg studis academics ed acquistau il doctorat sin fundament de sia thesa: «Il lungatg de Domat». Carezond patria e lungatg, bien affon de Domat ch' el era, vegnev' el mintgaton ella patria tiels cars de casa e s' interessava a talas caschuns oravontut dil Romontsch e ses combats ch' el persecitava era dalunsch de nossa tiara cun cor ed olma. Il defunct era lu era in excellent cantadur e musicher; el sunava scadin instrument, mo oreifer bein las orglas.

Duront la sgarscheivla uiara mundiala (1939—45), sut la quala er' el ha pituu sia part, eis el ius tier Niessegner ils 20 de matg 1943, suenter haver supportau cun edificonta pazienza cristiana ina liunga e dolorosa malsogna.

Veglien ils de Domat tener a cor sia continuada admoniziun: «Manteni vies vegl lungatg mumma, ni che vus perdeis plaun a plaun — mo segir — l' olma de vies e miu Domat!»

Nus tuts che havein encunaschiu e respectau il bien pader Hartman Theus de Domat, lein mantener el en pia e buna memoria. R. I. P. (-1- -1-)